

那文毅公奏議

聖文毅公初任直隸總督奏議卷四十八目錄

卷四十八

分讞諸獄

那公毅公初任直隸總督奏議卷四十八

男
容安恭輯

分獻諸獄

嘉慶十九年五月二十九日

奏爲查明已未結京控案件並

臣

到任後審辦過命盜

各案起數恭摺具奏事竊查嘉慶十九年四月十

八日接准刑部咨開欽奉

上諭御史孫汶奏各省赴京控案咨交本省督撫均有逾
限未結者而山東省爲甚請旨勅令迅速辨結等語各
衙門咨交本省控案前經立有定限逾期查叅乃該督

撫任意延宕罔知顧忌雖經都察院屢次查叅泄泄如故所有直隸省三十二案著交那彥成率同臬司錢臻迅速審辦亦著勒限一年每月具奏一次欽此仰見

皇上勤政安民不使稍有積壓延累之至意

臣

跪誦之下

實深欽佩伏思外省民人赴京控告之案非實有屈情冀圖昭雪卽違刁捏控意在株連承審之員毋論所告虛實總當迅速審明依限完結不容稍有懸宕致滋拖累直省未結內控案三十二起臣到任之初檢卷查核雖據該管州縣申覆因被告外出証佐未齊難以傳解集訊均經隨時咨明展

限而拖延已久必須趕緊審辦未便藉詞遲緩當經轉飭兩司勒限嚴提一面飭催委員審辦今已完結九起業經咨覆尚有審轉因情節未符駁飭覆審而未詳覆者十餘起其餘各案亦催令迅速審詳不敢因

欽限尙寬稍存鬆懈之見如果各州縣於奉提被証延不傳解以致案難訊結

臣

定卽嚴行叅奏斷不稍事

姑容至直隸地方幅員廣闊獄訟繁多

臣

自二月

二十四日到任至今審題命盜案件及奏結控告邪教等案已一百一十三起其間擬軍流咨部之

案尙不在內臣材微任鉅悚懼滋深惟有刻刻凜遵

聖訓事事益加勤勉以期仰答

高厚生成於萬一並將查明京控案已未結起數暨臣到任後辦過命盜案數目繕摺具

奏謹

奏奉

硃批知道了

嘉慶十九年五月二十九日

奏直隸京控案件提省審辦者十居六七向皆依限審

結不致遲逾上年九月以後直至歲底因辦理軍需並審辦散旗惑眾等要案未免勢難兼顧各州縣亦因派調車馬承辦兵差所有行提被証未能隨時傳解以致未結稍多本省命盜案件亦間有因此延緩本年開印以後先經署督臣章煦查明未結各案行司催辦迨臣於二月二十四日到任接准移交督同兩司勒限飭催據前任保定府孫憲緒署任保定府李蕃共審結十起茲新任保定府盛泰於三月初八日到任後趕緊審辦已結京控案件並本省命盜各案共七十起內有經臣審

明分別具

題奏咨亦有現經兩司覆核辦理不日均可完結

臣等

渥受

厚恩惟有共相砥礪趕緊清釐務期民無拖累案無積壓

仰副

聖主勵精圖治之至意謹

奏奉

硃批實力速辦以省拖累

嘉慶十九年十二月十九日

奏為捕役誣良為盜拖累繁多命審明定擬具奏并將失

察之印捕各官請

旨革職以肅

功令事竊據廣平縣知縣鄭長年詳報拏獲搶劫過客
柴玉連銀兩衣服等物案內盜犯陳玉等解省審
辦一案當經委員保定府提訊陳玉等堅稱被該
縣捕役王得功拷逼教供行提王得功來省質訊
並不承認案犯賈二餅宋學廣宋增先後在省監
病故茲陸續提到應質人証據保定府知府阿霖
廣平府知府彭應杰訊明實係王得功誣良爲盜
按例定擬由臬司李鑾宣審解前來臣親提研鞫

緣王得功籍隸廣平縣向充捕班頭役與宋增劉太陳十賈第九董照祥均有嫌隙嘉慶十六年十一月二十五日夜該縣常兒寨地方有過客柴玉連等被賊搶劫銀兩衣服等物報經該縣勘驗訊詳差王得功帶同散役王明郭明劉得功胡發榮等躡緝王得功因贓盜無獲慮干責比憶及與宋增等有嫌並風聞宋六郭均郭順崔謹賈二餅等行爲不端又有徐虎係刺字舊匪陳玉先曾被伊雞姦起意先拏陳玉到案教令承認此案正賊供扳宋增等同夥可以愚弄本官輾轉關提贓盜免

得究比并可囑扳買贓之人藉端訛索隨與王明等商允是年十二月間將陳玉喚至廟內教令供認本係宋六令宋增之子宋喜子送信與崔謹轉邀劉太陳十賈第九董照祥郭均郭順賈二併徐虎並陳玉至宋增家會齊赴曲周縣南寺頭村搶娼宋增宋喜子並未同往宋六與陳玉等十一人行至該縣常兒寨撞遇行客柴玉連宋六起意囑令陳玉等劫得銀兩衣服等物至宋六家俵分并囑供扳陳玉同村人陳佳珍買贓陳玉不允王得功卽與王明郭明將陳玉用繩弔打劉得功胡發

榮並未幫打陳玉被拷難忍無奈應允王得功將其鬆放帶至寓所調養傷痊送審陳玉照王得功所教之供誣服該縣分別差緝關提時宋增在大名縣涉訟王得功令快役李自圮將宋增之子宋喜子喚進城內自行拉至空廟嚇逼教供宋喜子畏懼應允復經該縣將劉太陳十賈二餅宋增并宋六之子宋學廣拏獲到縣均被王得功拷逼誣認并令賈二餅供扳鄭家莊人袁明北高集人張倉代爲當買贓物其賊遺藍布棉襖一件逼令宋學廣認係伊父宋六衣服該縣關提張倉到案其

父張立周恐張倉被役私拷送給王得功銀八兩
時有同班散役張進忠瞥見向王得功索分銀兩
不允致相爭吵王得功將張倉送縣訊釋該縣催
起原贓王得功遂買得呷機馬褂一件月白綾一
疋半捏稱在袁明名下起獲係賈二餅賣給該縣
檢查事主柴玉連失單並無此物當卽給還時徐
虎被任縣捕役丁復功等拏獲經該縣關提到縣
又被王得功帶至空廟拷逼誣認並逼扳大名縣
人石秀買贓該縣關提石秀到案飭役看管候訊
石秀乘間潛逃該縣將拏獲陳玉等訊供緣由具

文通報一面解犯來省飭委保定府審訊陳玉等
堅供係被捕役王得功拷逼教供行提王得功質
訊據稱十六年十二月間伊先拏獲許二枉長供
出陳玉搶奪東關張振山衣服之案是以將陳玉
送縣訊究陳玉自認聽從宋六等搶劫柴玉連銀
兩衣服等物並無拷逼教供提訊陳玉等極口呼
冤當據稟提未獲盜犯宋六崔謹賈第九董照祥
郭均郭順同買贓人陳佳珍袁明石秀賢在省供
出人証許二枉長張振山等質訊卽據成安縣查
覆該縣並無袁明其人又據廣平縣查復許二枉

長張振山均已物故張振山亦無具控陳玉搶奪衣服之案該府復提王得功與陳玉等對質王得功又稱收買賈二餅盜贓之袁明係河南安陽縣人并據呈出啤嘰馬褂一件月白綾一疋半指稱實係盜贓該府行據安陽縣申覆查無袁明其人又提王得功嚴究仍稱並無妄拏私拷教供逼認之事惟求飭提宋六等究質復據稟請催緝并飭廣平府前赴宋六宋增家密查毫無贓據並據大名縣申覆查傳陳佳珍審訊並無收買陳玉衣服情事將郭均拏解來省飭發保定府提訊郭均亦

供無聽從宋六等搶劫柴玉連之案質訊王得功捏稱聞知十四十六兩年宋增夥同陳玉崔謹在大名縣并山東館陶縣搶娼勒贖曾經犯案因而心疑柴玉連被劫物件亦係宋增等所爲是以先將陳玉拏獲弔打逼認追續獲宋增等並未私拷該府復向宋增等研訊均不承認續據稟呈王明等質証詎賈二餅宋學廣宋增先後在省監病故據清苑縣驗訊詳報茲據廣平縣申覆王明郭明早經革役現在逃匿無踪將劉得功胡發榮李自玘張進忠批解來省又據任縣將捕役丁復功張

青山趙幅有大名縣將賈第九董照祥張立周張
倉河南安陽縣將崔謹拏獲一併解省又據大名
縣並山東館陶縣申覆查明嘉慶十四十六等年
並無宋增夥同崔謹等搶娼勒贖案卷飭發保定
府知府阿霖廣平府知府彭應杰質審明確實係
王得功誣良教供擬議由臬司李鑾宣審解前來
臣提犯研鞫據王得功將因承緝盜案無獲起意
誣良爲盜私拷教供希圖免比索詐情由供認不
諱覆詰不移案無遁飾查王得功因承緝事主柴
玉連被劫案內贓盜無獲恐干比責憶及與宋增

等平素有嫌膽敢起意商同散役王明等先將陳玉拏獲拷打囑令妄扳宋增等爲盜迨宋增等被拏到案復敢拷逼教供以致宋增賈二餅宋學廣等三名俱在監病故不法已極查宋增等前經訊明均係平人自應按例問擬王得功除將陳玉哄誘雞姦輕罪不議外合依誣告人因而致死被誣之人委係平人及因拷禁致死三人以上者依故殺律擬斬監候例擬斬監候秋後處決王明郭明劉得功胡發榮等均係捕役聽從王得功指使將陳玉妄拏或幫同私拷逼認或在旁目擊拷逼俱

屬不法應照例不分首從定擬王明郭明劉得功
胡發榮四犯均合依誣指良民爲強盜有拷詐等
情俱發極邊烟瘴充軍例應發極邊烟瘴充軍仍
以極邊四千里爲限充當苦差至配所杖一百各
折責四十板面刺烟瘴改發四字王明郭明現均
在逃飭緝獲日照擬發配捕役張進忠訊無串通
誣拏拷詐情事惟聞知王得功詐得張立周銀兩
輒向索分爭吵亦有不合應照不應重律杖八十
枷號一箇月滿日折責二十板革役該犯年逾七
旬係捕役滋事不准收贖張立周因子張倉被誣

當贓獲案關解恐王得功私拷逼認是以送給銀兩情尙可原從寬免議王得功所買哩噠馬褂等件一併變價同所得銀兩追出入官冊報陳玉誣認妄扳係被王得功等拷逼所致其前被王得功哄誘雞姦年僅十五尙未及歲且事在歷次

恩旨以前請免置議宋喜子劉太陳十郭均賈第九董照祥崔謹與未到案之宋六郭順均訊無搶劫情事徐虎犯竊責刺之後亦無爲匪均請免議無干省釋至宋增賈二餅宋學廣先後在監身死之處均經清苑縣驗訊明確委係患病所致刑禁人等訊

無凌虐情弊應毋庸議至廣平縣知縣鄭長年典史孫永烈失察捕役王得功誣良爲盜致死人命殊干例議查廣平縣知縣鄭長年現因才力不及於

計典案內劾叅相應請

旨將廣平縣知縣鄭長年前任廣平縣典史現任豐寧縣黃姑屯巡檢孫承烈革職至失察各上司例有處分容查取職名另行咨叅並全案供招咨部謹

奏奉

硃批該部議奏

嘉慶二十年四月初五日

奏臣欽奉

上諭慶溥等奏直隸寧津縣民婦遲孫氏控告賈克行等強姦伊女二姐等一摺該縣知縣延不究辦已明降諭旨將該縣知縣革職交那彥成審訊矣此案賈克行強姦二姐已成復誘令伊姪賈九兒將坤姐強姦可惡已極該縣既經驗明屬實乃任令賈克行等捏詞狡展轉因遲孫氏不肯和息加以掌責難保無受賄徇縱情事那彥成務卽提同全案人証嚴切根究按律懲辦毋稍瞻徇如那彥成不能將此案實情剖判明確朕卽將此

案交刑部提訊並將該督加以懲處决不寬貸先將大概情節迅速覆奏以慰厯念欽此

臣

遵查此案未據寧

津縣詳報惟本年二月十三日據寧津縣民婦遲

孫氏以賈克行於上年六月初四日將伊十四歲

幼女二姐硬行姦污又有賈克行之姪賈九兒將

該氏十歲幼女坤姐亦行姦污控縣不爲審辦等

情赴

臣

衙門呈控

臣

以事關控告強姦幼女已成

何以半年之久未據詳報當經飭查并批司轉飭

河間府嚴飭委員迅速審辦在案

臣

因該縣於此

等重大案件並不即時詳報究辦實屬荒謬當飭

河間府速審具報仍俟親行提審並將該縣嚴叅治罪茲遲孫氏赴京呈控欽奉

諭旨交

臣審辦

臣

立即派委妥員馳赴該縣守提賈克行

等及案內應訊人卷並將該縣知縣陳鴻猷遵

旨革職鎖拏來省

臣

親提嚴究確情及該縣有無受賄徇

縱先將大概情節迅速覆奏謹

奏

嘉慶二十年四月初七日奉

上諭那彥成奏宣津縣民賈克行等強姦遲二姐等一案本年二月內遲孫氏曾在總督衙門呈控該督當批臬

司轉飭河間府委員迅速審辦等語此案遲孫氏因本縣不爲究辦於二月內在該督衙門呈控該督旣知強姦幼女重案事閱八月之久該縣延不詳報卽應一面將該縣嚴叅一面親提審訊彼時該督卽因扈蹕須赴差次亦應專委臬司迅速提訊乃僅批飭河間府委員辦理輾轉稽延以致遲孫氏負冤莫訴赴京呈控實屬因循疲玩犯此四字朕必不恕著那彥成遵照前旨迅卽提集犯証審擬具奏

嘉慶二十年四月二十五日

奏爲訊出寧津縣民婦遲孫氏控案大概供情先行恭

摺具奏事竊照寧津縣民婦遲孫氏赴都察院呈
控賈克行等強姦伊女遲二姐等情一案欽奉

諭旨交

臣

親提人証嚴切根究按律懲辦先將大概情節

迅速覆奏欽此

臣

當卽欽遵

諭旨將寧津縣知縣陳鴻猷革職鎖拏并行提全案人証
來省審辦一面繕摺奏

聞在案嗣據委員將賈克行等同應核卷宗及庫貯遲坤
姐布褲一條提解前來并准兵部將遲孫氏咨解
來省臣隨飭傳遲二姐等到案因遲孫氏染患傷
寒病症先提賈克行等督同司道府等嚴切根究

賈克行供認素與遲孫氏遲二姐有姦並無強姦
遲二姐情事賈九兒亦認與遲坤姐通姦屬實並
非強姦等情臣恐賈克行等恃無實証避罪狡卸
因提原告遲孫氏之翁遲子禮與賈克行等質對
不惟賈克行等不認強姦據遲子禮實係莊農老
實之人先在當堂痛哭並問我這兒媳打官司之
後能回去不能回去若大人們仍放他回去我斷
不敢說實話等語臣以遲子禮本係原告何以忽
有此供因向其細心開導以伊孫女遲二姐亦被
賈克行等強姦卽係你之仇人可卽據實供指以

便治賈克行等之罪今問你兒媳能回去不能是
何意見據遲子禮供稱伊前次赴府司具控係被
伊媳遲孫氏逼迫所致平日伊媳淫蕩凶戾時常
將伊打罵并招集各姦夫在家飲酒住宿伊不敢
過問至孫女遲二姐等早被伊媳遭蹋惟是否被
賈克行等強姦之處實在不知並據供稱伊子遲
象臣本不成人久被其妻遲孫氏逼迫現在不知
去向又於十八年六月間遲孫氏與隣人遲子選
口角爭吵涉訟伊向勸阻遲孫氏斥其偏向外人
用鑷刀將伊頭顱砍傷並割傷頭面等處曾報縣

驗訊後經遲益三等具呈和息有卷可查十九年六月二十日賈克行合遲係氏打架經遲景風遲六麻勸散次日遲孫氏教伊與遲夢雲帶同遲二姐赴縣呈告賈克行強姦遲二姐賈九兒強姦遲坤姐伊行至中途患病經遲夢雲帶同遲二姐進城喊控尙未審結遲孫氏囑遲夢雲帶伊赴府司呈告均係畏其刁潑不敢不聽從我家中原有幾畝地如今都被這兒媳花費了他若再回去我可斷不能活命等語據遲二姐供稱現年十六歲伊母遲孫氏與賈克行遲夢龍遲夢雲遲象明均有

姦情十八年五月不記日期遲夢龍至伊家內值
伊母遲孫氏害病卧炕遲夢龍向伊調戲成姦給
與大錢二百文十九年二月內賈克行亦與伊姦
好三月十五日伊妹遲坤姐到遲夢龍學房院裏
搗花被遲夢龍哄誘成姦遲坤姐回家向伊母告
知伊母將遲坤姐斥罵六月初一以及六月初四
等日遲柱兒賈九兒亦與遲坤姐各通姦一次遲
坤姐均向伊告知六月二十日賈克行向伊母討
要代墊米錢不給打起架來遲夢雲等因與賈克
行爭風打架有嫌挑唆伊母赴縣捏控賈克行將

伊强姦賈九兒將伊妹遲坤姐强姦并囑伊到官
不許實供否則定要打死次日伊母隨囑遲夢雲
伊祖遲子禮帶伊赴縣呈告伊祖行至中途患病
經遲夢雲帶伊進城具呈喊冤尙未審結伊母又
囑遲夢雲帶領伊祖遲子禮赴府司具控本年正
月二十三日伊母同伊姊妹二人及伊弟趕兒伊
祖遲子禮并遲夢龍遲夢雲一共七人來省居住
係遲有善遲景平兩人趕車伊母與遲夢雲赴京
控告伊實於十八年間先與遲夢龍通姦後與賈
克行姦好遲坤姐於十九年間先被遲夢龍哄誘

成姦後被遲桂兒賈九兒各姦過一次此外別無
通姦之人賈克行賈九兒亦均非強姦今春在省
城居住遲夢龍仍與伊並遲坤姐各通姦一次至
伊母與寧津縣代書李有俊仵作王姓亦都有姦
等語又將遲坤姐隔別訊問遲坤姐供稱現年十
三歲餘供與遲二姐相同提訊遲夢龍始猶狡賴
復經質對乃俯首認罪當令親筆書寫口供自認
遲二姐遲坤姐均係被該犯首先調戲哄誘成姦
其與遲孫氏通姦并唆令告狀亦一一供認復提
賈克行審訊據稱伊向有產業因包姦遲孫氏母

女全行花完後來遲孫氏因伊無錢又與遲夢龍等姦好遂相待冷淡心中氣忿不過常至遲孫氏家吵打十九年六月二十日伊向遲孫氏討要代墊米錢曾將遲孫氏痛打一頓遲孫氏於二十一日囑令遲二姐控伊強姦并賈九兒強姦遲坤姐如果遲二姐姊妹於六月初四日被伊叔姪強姦我何敢於二十日到他家打架他又何肯遲至半月之後始行控告等語質訊當時勸架之遲景風遲六麻供俱相符復飭拏遲有善到案審訊據稱伊父遲錦運與遲孫氏有姦因與賈克行爭風曾

打過架本年正月內伊父與伊伯遲錦榮伊叔遲錦昌同遲夢龍遲夢雲遲相官辛建如遲化行遲化富靳龍閣張連興因與遲孫氏姦好又有與賈克行曾經打架有仇因此商量幫遲孫氏與賈克行涉訟伊父並遲錦昌遲化富湊出車輛驢馬遲錦昌又出大錢一千五百文遲相官辛建如遲化行靳龍閣湊出大錢十千給遲孫氏做盤費本年正月二十三日囑伊同遲景平趕車將遲孫氏等七人送省隨卽回去四月初間伊父聽聞遲孫氏進京告狀發回保定府審訊伊父與靳龍閣商議

設措銀四兩交伊送省給遲孫氏使用至遲夢雲
已回去取盤費等語臣查遲子禮所供曾經控告
伊媳遲孫氏用鐮刀將伊砍劃受傷經該縣審訊
驗明一節更屬案外重情今乃檢查此卷該縣批
呈及傷單息呈存案至遲二姐喊告賈克行叔姪
將伊並妹強姦一案檢閱縣卷內附有驗單據媒
婆陳朱氏驗得遲二姐係早已破身遲坤姐褲腰
線斷前後破有二三寸褲褶有白點驗無血瘡並
經該縣硃筆寫有遲二姐被姦情形似非強姦坤
姐中衣雖經洗滌並無血蹟帶同貯庫但褲腰並

非撕破據媒婆驗看下身亦無初姦形蹟復弔取
提到遲坤姐布褲查驗並無血蹟訊據遲坤姐供
初次被姦血褲已經拆毀在縣呈驗之褲本係另
是一條卽係現在提到之褲等語查遲孫氏控告
賈克行等強姦伊女遲二姐等如果屬實賈克行
等罪干重辟今訊明遲二姐於十四歲時被遲夢
龍調戲成姦遲坤姐於十二歲時亦係被遲夢龍
哄誘成姦被告之賈克行賈九兒等與遲二姐等
通姦均屬在後且遲孫氏之姦夫如遲夢龍等不
可悉數實非良婦又曾用鐮刀砍傷伊翁遲子禮

頭顱種種情節與控詞大相逕庭惟遲坤姐於十九年三月十五並六月初一初四等日被遲夢龍遲柱兒賈九兒三人各姦過一次何以該縣於六月二十二日令媒婆陳朱氏查驗僅云陰戶紫色並未報明是否初姦亦屬含混而遲孫氏砍傷伊翁遲子禮一案事關逆倫該縣並不照例究辦遽准和息實出情理之外至賈克行原係淫惡棍徒包佔姦婦家資花盡嫌其冷淡遂時常吵打而遲孫氏不能暢欲安生又同衆淫棍爭風成仇以致釀成內控之案而情節支離又實令人不解現在

遲孫氏病尙未痊難以研審幫同該氏告狀之遲
夢雲等及原驗媒婆陳朱氏亦均未到案無從質
訊臣現飭撥醫將遲孫氏加緊調治一面委員馳
往寧津縣守提遲夢雲等來省質訊明確按擬辦
理謹

奏奉

硃批細心研審毋枉毋縱

嘉慶二十年四月二十五日

奏此案業經

臣

督同臬司盛泰保定府知府阿霖定州

知州張孔源饒陽縣知縣陳晉候補知縣何繼志

等訊取大概供情惟核與遲孫氏控告原呈大相懸殊雖証告之案事所恒有而如此案之顛倒重輕出入意表洵屬罕見臣連日提審之下不勝詫異又復劄委藩司錢臻清河道韓文綺候補道李于培等重復隔別審訊各供仍無異詞至該縣知縣陳鴻猷審訊遲孫氏控告賈克行之案細查縣卷該令於此案雖係隨控隨提逐日尙無押擱惟訊驗含糊不能審出實在情節定斷其遲延無能之罪實無可寬乃於遲子禮控告被媳遲孫氏用鐮刀砍傷之案當日實已驗明傷痕開單存案何

以並不按例究辦批准和息更屬荒唐之至統俟
遲孫氏病痊遲夢雲等到案結案時一并嚴叅從
重辦理現將本案仍督同司道等秉公虛衷研審
按擬具奏總期無枉無縱斷不敢稍存成見自蹈
重咎至該縣陳鴻猷如此昏憤糊塗闖茸廢弛
平日毫無覺察未能及早叅劾實切悚惶容俟定
案時請

旨將

臣

議處以爲不能察吏者戒謹

奏奉

硃批覽

嘉慶二十年五月十七日

上海市歷史文獻圖書館藏

奏爲研審定擬具奏事竊照寧津縣民婦遲孫氏赴都
察院呈控賈克行等強姦伊女遲二姐等情一案
前經_臣提齊人卷督同司道府縣嚴切審訊先將
大概供情具奏欽奉

硃批細心研審毋枉毋縱欽此茲行據臬司飭提遲夢雲
等來省遲孫氏病已痊愈_臣督同藩司錢臻臬司
盛泰清河道韓文綺候補道李于培保定府知府
阿霖饒陽縣知縣陳晉候補知縣何繼志先提遲
孫氏到案訊問遲孫氏始猶刁狡及令遲子禮等

對質該氏俯首無詞隨提集犯証逐細研鞫緣遲
孫氏係寧津縣民遲象臣之妻與賈克行同莊居
住該氏賦性淫蕩悍潑與其夫遲象臣不和早已
被其逐出無踪并時將伊翁遲子禮毆詈遲子禮
養老地畝亦被變賣花用嘉慶十一年間賈克行
包姦遲孫氏致將產業花盡遲孫氏遂相待冷淡
與遲夢龍遲夢雲遲相明遲錦運辛建如遲化行
靳龍閣等先後通姦不時招集至家飲酒姦宿毫
無顧忌伊翁遲子禮但經露面該氏卽行潑罵因
畏其悍潑不敢過問賈克行因嗔遲孫氏待伊薄

情心生妬忿每見遲夢龍等在遲孫氏家聚飲卽
前往吵鬧并向遲夢龍等爭風打架遲夢龍等因
此均與賈克行有嫌十八年六月十八日遲孫氏
與鄰人遲子選口角涉訟伊翁遲子禮勸阻遲孫
氏斥其偏向外入遲子禮理勸遲孫氏攜取鎌刀
砍傷左顙頰咽喉並劃傷其頂心遲子禮赴縣呈
送經該縣陳鴻猷驗傷存卷遲孫氏畏懼給遲子
禮磕頭服禮央求遲益三辛萬玉向遲子禮勸解
歇手遲子禮無奈應允遲益三等隨與遲子禮赴
縣具呈請息該縣隨卽批准遲孫氏旋與該縣代

書李有俊件作王祿亦相姦好其女遲二姐亦先
於是年五月間被遲夢龍調戲成姦得過大錢二
百文迨後遇使續姦十九年二月初一日賈克行
赴遲孫氏家亦與遲二姐通姦後又續姦數次遲
孫氏均屬知情是年三月十五日遲孫氏年甫十
二幼女遲坤姐至遲夢龍家院內搗花遲夢龍頓
萌淫念哄誘遲坤姐進屋抱在炕上揪按行姦遲
坤姐啼哭遲夢龍見其血出遂卽中止遲坤姐歸
向伊母遲孫氏告知遲孫氏將其斥詈並將血褲
拆毀五月間遲夢龍見遲坤姐在家獨處又與續

姦適遲孫氏自外回歸撞見說其不應如此遲夢
龍不答而走六月初一日遲坤姐喚今年甫十五
無服族姪遲柱兒同至葦炕行姦一次是月初四
日遲坤姐赴賈克行之姪賈九兒家園內挖菜被
賈九兒勾引成姦遲坤姐均向伊姊遲二姐告知
轉向其母遲孫氏述及遲孫氏因遲坤姐已經失
身不復理會二十日賈克行因遲孫氏說其買米
墊付大錢七百文乘此尋衅卽向遲孫氏索討遂
相爭吵賈克行氣忿用趕麵杖毆打致傷遲孫氏
右胳膊等處經遲景風勸散遲夢龍聞知其事邀

同遲夢雲往視遲孫氏告知情由欲遲夢龍等給
其出氣遲夢龍因挾賈克行爭風毆打之嫌商同
陷害洩忿卽主唆遲孫氏捏告賈克行強姦遲二
姐賈九兒強姦遲坤姐遲夢雲從旁教唆遲孫氏
應允次日令遲夢雲帶同伊翁遲子禮伊女遲二
姐赴縣喊控遲子禮行至中途因病未往遲夢雲
帶領遲二姐至縣喊稟并泐代書李有俊寫呈投
遞該縣陳鴻猷前往驗訊據穩婆陳朱氏驗得遲
二姐早已破身惟遲坤姐下身並未紅腫有血疑
惑不定遂驗稱紫色並未報明是否破身該縣亦

未詰訊查起遲坤姐血褲遲孫氏因無血褲隨將
遲坤姐日常所穿之褲撕開破縫數處送官查驗
希圖搪塞該縣詰以何無血蹟遲孫氏捏稱已經
洗淨并密囑遲坤姐照依混供該縣訊問賈克行
賈九兒皆不承認當將賈克行等帶回管押布褲
貯庫嗣差傳遲孫氏覆訊遲孫氏託故不到令遲
夢雲帶領遲子禮赴河間府呈控批飭該縣嚴究
詳辦遲孫氏避不到案又令遲夢雲帶同遲子禮
赴臬司衙門具控批府飭委景州會審提訊兩造
仍復各執一詞因賈克行患病保回調治迨後差

傳審訊遲孫氏躲匿不到二十年正月遲孫氏欲
自行赴省呈控與遲夢龍遲夢雲遲錦運遲化行
靳龍閣各姦夫等商議遲夢雲起意斂錢扛幫卽
令遲錦運等湊給盤費車輛遲錦運應允與遲化
行靳龍閣共湊給遲孫氏大錢十千文并硬向遲
化富張連興拉得車輛驢頭遣子遲有善并遲景
平趕車遲孫氏隨帶同子女於是月二十三日
起程并令伊翁遲子禮隨行遲夢龍遲夢雲亦相
隨進省遲夢龍又與遲二姐遲坤姐仍各於路續
姦二月十三日遲夢雲帶領遲孫氏赴臣衙門具控

批令河間府速飭訊究遲孫氏並不回縣於三月初間令遲夢雲帶領進京赴都察院呈控訊供具奏奉

旨交

臣

審辦當卽委員將該縣知縣陳鴻猷遵

旨革職鎖拏提齊各犯卷連日督同司道等隔別各犯細心研鞫據各供認前情不諱嚴詰不移案無遁飾查遲孫氏平日與賈克行等通姦無忌遁跑伊夫遲象臣并時將伊翁遲子禮毆毆實爲潑淫不法該氏此次聽從姦夫遲夢龍等主唆捏控賈克行賈九兒強姦伊女遲二姐遲坤姐查賈克行等本

與遲二姐等有姦該氏所控係屬誣輕爲重至死
罪未決按爲從科斷罪止擬徒惟查出縣卷該氏
於十八年間刃傷伊翁遲子禮曾經伊翁控縣有
案罪應駢首今已質訊明確自應從其重者論遲
孫氏除與賈克行等通姦并聽從誣告各輕罪不
議外合依妻毆夫之父者斬律擬斬立決遲夢龍
與無服族姪遲孫氏並其女遲二姐姦好又將其
年甫十二之幼女遲坤姐哄誘成姦嗣因遲孫氏
被賈克行打傷囑令該犯爲其出氣該犯輒挾賈
克行爭風打架之嫌教唆遲孫氏誣告賈克行等

强姦遲二姐姊妹冀圖陷害洩忿殊屬刁淫查該
犯教唆誣告罪止擬流其誘姦十二歲幼女遲坤
姐罪應擬絞亦應從重論遲夢龍除與遲孫氏遲
二姐通姦并教唆誣告各輕罪不議外合依姦十
二歲以下十歲以上幼女和姦者仍照雖和同强
論律擬絞監候例擬絞監候秋後處決賈克行始
則包姦遲孫氏宣淫繼又與遲孫氏之女遲二姐
通姦嗣因家資耗盡遲孫氏相待冷淡另與遲夢
龍等姦好親密該犯輒心懷妬忿時至遲孫氏家
吵鬧與遲夢龍等爭風打架并因索欠將遲孫氏

毆傷實係淫惡地棍未便輕縱賈克行除與遲孫氏等通姦并他物毆人成傷各輕罪不議外應照兇惡棍徒屢次生事行兇擾害例發極邊足四千里安置至配所杖一百折責四十板而刺州漳改發四字遲夢雲因族嬭遲孫氏被賈克行毆傷喘令爲其出氣該犯因與遲孫氏姦姘被賈克行爭風打架有嫌輒敢圖洩私忿乘機陷害於遲夢龍主唆遲孫氏誣告之時亦從旁教唆并帶領遲二姐遲子禮赴各衙門控告嗣遲孫氏欲進京告狀該犯復起意斂錢扛幫令遲錦運等奏給盤費自

行伴送遲孫氏進京以賈克行等強姦遲二姐等
重情在都察院呈控亦屬不法遲夢雲除與遲孫
氏通姦輕罪不議外合依教陵扛幫赴京告重罪
不實者問發近邊充軍例發近邊充軍至配所杖
一百折責四十板遲錦運因遲夢雲向其告知遲
孫氏進京控告賈克行令其幫給盤費該犯輒挾
賈克行爭風打架之嫌聽從借給錢文車輛應以
爲從問擬遲錦運除與族嫂遲孫氏通姦輕罪不
議外應照爲從律於遲夢雲軍罪上減一等杖一
百徒三年至配所折責管束辛建如訊無出錢幫

訟情事惟與李有俊王祿均與遲孫氏通姦應均
依軍民相姦例杖一百枷號一箇月滿日各折責
發落李有俊王祿仍革役遲相明與族嫂遲孫氏
通姦應依姦同宗無服親之妻枷號四十日杖一
百例應枷號四十日滿日折責發落遲柱兒賈九
兒與遲坤姐通姦係在遲夢龍將遲坤姐姦污破
身之後且遲柱兒係遲坤姐教令行姦若概照姦
十二歲以下十歲以上幼女雖和同強論之律科
斷未免與初次姦污幼女者無所區別自應仍依
和姦本例問擬查遲坤姐係遲柱兒無服族姑遲

柱兒應依姦同宗無服親例枷號四十日杖一百
該犯犯罪時年止十五應照律收贖賈九兒依軍
民相姦例枷號一箇月杖一百滿日折責發落遲
二姐與族兄遲夢龍通姦依姦同宗無服之親及
無服親之妻者枷號四十日杖一百例應枷號四
十日杖一百犯姦之女杖決枷贖交與伊祖遲子
禮領回穩婆陳朱氏訊無聽囑舞弊情事惟因辨
驗不明含糊具報亦屬不合陳朱氏應照不應重
律杖八十係婦女照律收贖同遲柱兒等贖銀及
遲二姐所得遲夢龍賣姦錢文一併追出入官冊

報遲坤姐被遲夢龍誘姦後復與續姦又與遲柱
兒賈九兒姦好本應擬罪收贖已於審明後在店
出痘身故應毋庸議刑書謝美玉快役高射斗卽
高升斗訊無受賄私縱情事應與訊無受賄硬証
之孫國慶均毋庸議無干省釋遲化行等飭緝獲
日另結遲孫氏所欠賈克行米錢照追給領至寧
津縣知縣陳鴻猷於遲孫氏控告賈克行等強姦
幼女之案因原告供詞狡展遲至半載有餘未能
訊明詳報已屬庸劣不職又遲子禮被媳遲孫氏
用鐮刀砍傷一案因遲益三等調處遲子禮情愿

息結該縣於逆倫重案率准和息更屬昏愎糊塗
非尋常失出可比陳鴻猷雖經奉

旨革職仍應加重請發往新疆効力贖罪並供招咨部謹
奏奉

硃批刑部速議具奏

嘉慶二十年六月初一日

奏爲寧津縣民婦遲孫氏控案現在遵

旨嚴切根究先行恭摺覆奏並述感愧下忱事竊

臣

承准

軍機大臣字寄欽奉

上諭刑部議駁那彥成審擬遲孫氏一案已有旨將那彥

成盛泰交部察議矣此案遲孫氏淫兇無復人理前曾
刃傷伊翁其夫遲象臣與之不和該犯婦所交姦夫多
人安知遲象臣非伊等商同謀斃罪關倫紀僅以逐出
無踪一語定案何足爲憑著那彥成再將此案人犯詳
細推鞫欽此仰見

皇上周詳慎重

至聖

至明

臣

等未能想到之處仰蒙

訓誨指示務使案情結實毫無疑竇

臣

與臬司盛泰跪誦

之下不勝欽服感愧伏查遲象臣之是否存亡應

先向其父遲子禮訊問誠如

聖諭父子之情未嘗稍間必可以得實供惟遲子禮前經

臣

等訊明後因其年老患病先行釋回茲提訊案

証遲景鳳供稱遲象臣被遲孫氏逐出後在相離
遲家莊四十里地之南皮縣堤橋村與人傭工伊

於上年四月間在彼見過一面又於九月間在寧

津縣城內見過一次等語是遲象臣實係生存但

必須令其到案方可憑信

臣

現在委員前往寧津

縣先向遲子禮訊問其子存亡一面飛飭寧津南

皮二縣多差幹役務將遲象臣查傳到案迅速解

省以便審明覆奏至臣等於此等緊要情節未能詰訊明確率行定案具奏實屬糊塗仰蒙

皇上不加嚴譴僅交部察議感激悚惶莫能名狀以後惟有益加詳慎以期仰副

聖主

教誨成全之至意謹將現在遵

旨覆訊及臣等感愧下忱理合先行繕摺覆奏並率同臬司盛泰望

闕叩謝

天恩謹

奏

嘉慶二十年六月初三日軍機大臣字寄奉

上諭那彥成覆奏查明遲象臣被遲孫氏逐出後在南皮縣隄橋村傭工實係生存現飭縣查傳解省等語閭里小民因妻室不守婦道教訓不悛將其休棄是爲事所常有今遲孫氏淫兇不法遲象臣不能約束竟至爲婦所逐無能無恥已極且遠避不歸置伊父遲子禮於不顧尤爲不孝著那彥成傳提遲象臣到案訊明卽將全案人犯照律辦理先將遲象臣提到法場令遲孫氏眼看重責四十板再令遲象臣看視將遲孫氏斬決以爲

天官考之二卷
卷之二
三
懼內庸夫之戒仍將遲象臣解回原籍令其奉養伊父
遲子禮勿許外出

嘉慶二十年七月十八日

奏寧津縣民婦遲孫氏刃傷伊翁遲子禮一案臣前在

御園面奉

諭旨令將遲孫氏先行辦理伊夫遲象臣俟獲日訊明覆

奏欽此當經臣欽遵行知臬司盛泰將遲孫氏處斬并

飭催委員等查傳遲象臣去後茲據委員候補知

縣張炳南等會同寧津縣知縣張之棟稟稱於本

月初九日帶同差役眼目在於山東樂陵縣丁家

務廟內將遲象臣拏獲現在解省審訊等情已飭
藩臬兩司一俟遲象臣解到會同研訊如果並無
縱妻忤逆情事卽欽遵

諭旨將遲象臣杖責發落謹

奏奉

硃批覽

嘉慶二十年四月二十五日

奏爲拏獲疊次劫竊盜犯究出打劫原任侍郎錢樾坐
船一案現在嚴拏逸盜歸案審辦先行奏

聞事竊查原任侍郎錢樾坐船在山東德州地方被劫一

案前奉

上諭著嚴飭所屬一體躡訪按名就獲欽此當經

臣欽遵

通行各屬嚴密查拏並節次催緝在案茲據署滄州知州彭希曾稟稱本年二月二十八日據捕役李德亮等稟稱見有外來四人用驢馱載衣箱衣包進城典當形迹可疑該州當卽派撥幹役前往查拏適吏目楊永寧原任德州知州徐霖家人蕭德踵至協同拏獲查起原贓送州該州逐一研訊據稱一名柴泳太一名柴世傑一名王太一名趙府來均係南皮縣柴家莊人柴泳太柴世傑王太

等三名於本年正二月內夥同本莊人柴文之子柴明奎交河縣滅家屯人趙五尹家屯人尹二東光縣人王二深州人李二等八人劫竊交河縣事主傅占釐南皮縣事主陳胡氏沙汝壩等家衣服等件屬實柴文係屬窩家現起各物卽係沙汝壩家原贓趙府來隨同該犯等出外當贓並無夥同劫竊情事該州復向究詰又據柴泳太等供稱上年八月底與在逃之柴明奎等五人行至山東德州地方見有官員坐船在彼停泊隨商同劫得衣服等物送交東光縣屈家莊劉廷柱當錢分用當

票劉廷柱收存等語該州核與錢樾坐船被劫年月相符關抄報案核對賊數亦多符合惟移提消賊人劉廷柱到案審訊堅不承認復提柴泳太等質究該犯等仍供認行劫錢樾坐船不諱所劫賊物改稱在逃之柴明奎等拏去不知當賣何處該州將現獲賊物令事主沙汝埭查認給領之外尙有餘剩破舊布衣服眼鏡據柴泳太等供稱係打劫侍郎錢樾船內之物查對原報賊單並無此等賊物關緝柴文柴明奎已全家逃跑無踪趙五等亦均未弋獲應俟緝拏到案追起原贓歸案審辦

等情具稟前來

臣

查柴泳太等劫竊交河等縣事

主傳占鰲等家三案已據逐一供認贓亦起獲經
事主沙汝壘認明給領其爲正盜無疑惟所供打
劫錢樾坐船一案雖據該犯等自行供吐但犯未
全獲原報失贓亦無著落現在所有破舊布衣服
眼鏡又未載入失單此等零星物件報官之時固
屬易於遺漏而原贓未獲究不敢遽行定案臣現
飭該州將眼鏡布衣送省以便專差齎赴浙江交
錢樾查認如果確係真贓則該犯等打劫錢樾坐
船實屬確鑿即可按例定擬一面仍飭嚴緝窩家

柴文並邈盜柴明奎等務獲到案研訊確供追出
原贓歸案審辦至該署州彭希曾吏目楊永宣能
留心緝獲打劫鄰省官員坐船巨盜統俟審明定
案後照例辦理謹

奏奉

硃批知道了

嘉慶二十年五月初四日

奏爲刁衿斂錢結訟出帖糾衆罷考現在查獲首犯提
省審辦先行恭摺奏

聞事竊查大名府屬向來納糧之家分別衿戶民戶衿戶

祇納錢糧民戶兼出差徭近日風氣刁健往往矜
戶恃符包攬民戶不特差徭不辦而刁劣生監甚
至包攬十餘戶至數十戶不等並將應納錢糧亦
復把持抗拒其情祇於漁利而積漸則甚至聚衆
玩違臣深悉其弊屢經飭令地方官潔已自持留
心查辦務返積習前月臣自差次回省風聞開州
並南樂清豐二縣生監因催追錢糧有罷考之事
當卽立飭大名道屠之申趕回嚴密訪查是否生
監恃符滋事抑係該州縣等擾累閭閻秉公查辦
不可稍有偏護茲據大名道屠之申大名府劉寶

第稟稱除開州童生業已考竣並無生監阻考應
免查究外惟南樂清豐二縣罷考屬實現在多方
曉諭已將糾合出帖倡首罷考之人拏獲稟解該
二縣亦陸續開考地方無事查南樂縣因錢糧積
欠過多該縣令徐潤訪係刁矜包庇隨於編查保
甲之際將矜戶摘出令各戶自行交納如有未完
與民戶按卯帶比其餘民戶均令自封投櫃不許
矜戶包攬因而應納之糧是否果在民戶全可水
落石出而以後地方差徭亦均勻攤派人戶既多
所出愈少於窮苦民戶頗覺稱便惟劣矜因不能

包攬影射卽生怨憤并因與民戶一體帶比心懷
不服隨有生員張景清帶領民人王鶴進京以該
縣徐潤重徵等情令王鶴出名赴都察院具控奏
奉

諭旨交

臣

審辦有武生張廷樞等商議斂錢幫訟并慮控

案審虛張廷樞又倡議罷考希圖挾制清豐縣生
監亦聞風而起遂有生員王敬思亦因該縣知縣
狄觀光催比錢糧過嚴唆令革生晉璧散帖與生
員呂榮等首倡罷考已將南樂縣武生張廷樞文
生呂秉哲李鳴珂任一璞董正等五名清豐縣革

生胥壁擊獲呂榮亦自行投案并將阻考傳帖呈
出惟清豐縣爲首之王敬思已全家逃往山東躲
避卽在王敬思家內起出萬法歸宗禁書五本并
神符等件稟解等因查該衿膽敢因清查保甲分
別衿民經該縣立法催追錢糧不能遂其包攬漁
利之計輒心生怨忿并於王鶴進京呈控之後聚
衆斂錢幫訟復慮控案審虛倡議罷考而清豐縣
生員王敬思亦因該縣狄覲光催比錢糧過嚴主
唆革生胥壁散帖罷考聞風效尤現在俱經該道
府明白慰示南樂縣童生已經考竣清豐縣現亦

開考查大名府屬人本才野乃當人心甫經安定
之後張廷樞王敬思等斂錢散帖煽惑罷考其事
雖未成其風萬不可長

臣受

恩深重斷不肯袒護屬員致累百姓但杜漸防微亦不得
不示以儆惕現飭該道府務將王敬思嚴拏務獲
一面行提張廷樞等來省督司嚴切根究并將王
敬思所藏禁書神符一同解省查辦若係邪教書
符亦可從此根究逸犯此外有無不法以及扛幫
滋事之人務獲到案嚴審實情按律定擬具奏如
果究出該縣徐潤等有重徵浮收及苦累閭閻情

事亦定卽嚴行叅奏卽於犯事之處辦理以服輿情斷不稍有迴護謹

奏奉

硃批秉公嚴審定擬具奏

嘉慶二十年九月二十五日

奏爲遵

旨審擬具奏事竊照南樂清豐二縣生員張廷樞王敬思等傳帖阻考未成一案臣接據大名道屠之申大名府知府劉寶第稟報奏明提省審辦欽奉

硃批秉公嚴審定擬具奏欽此當經行提張廷樞等至省

並續獲王敬思到案檄飭兩司暨候補道程卓樑
督同首府研審確情茲據保定府知府阿霖等審
擬由司覆審解勘前來臣親提鞫訊緣張廷樞係
南樂縣武生該縣徵收錢糧向分衿戶民戶兩項
嘉慶十八年七月內該縣令徐潤到任後因錢糧
積欠過多訪係刁衿包庇隨於編查保甲之際將
衿民地畝卽於戶口冊內逐細註明十九年九月
內開徵民戶錢糧不許衿戶包攬衿戶錢糧與民
戶一律按卯催比間有劣衿因不能包攬影射并
與民戶一體比追心生怨忿是年十一月內生員

張景清約會武生張廷樞董正等控告張廷樞等
因思控無款蹟未允張景清隨自行勾串民人王
鶴進京至二十年二月初間張廷樞聞知張景清
回家同生員呂秉哲李鳴珂董正等往探張景清
聲言王鶴在京告狀已發回本省審辦囑託張廷
樞等代斂盤費欲令武瑛赴京幫訟張廷樞董正
各給張景清銀五兩託武瑛帶交王鶴收用武瑛
起身後張廷樞因王鶴等控無實據慮恐審虛復
自行起意傳帖罷考挾制與呂秉哲李鳴珂商允
令呂秉哲寫阻考斂錢說帖各一張三人出名交

與生員孫燦轉傳又囑生員任一璞照寫阻考說
帖一張給付董正維時清豐縣有生員王敬思向
在縣城開設藥舖行醫因挾該縣噴其招留告狀
人在店曾被戒飭并催追錢糧嚴緊之嫌常欲尋
事挾制聞知南樂生監有欲罷考之事亦起意傳
帖阻考適有素識革生胥壁武生于作霖馬耀德
至舖閒坐王敬思隨將其意告知糾邀幫同散帖
于作霖馬耀德未允而去王敬思復以利誘胥壁
允從王敬思遂自寫阻考說帖四張交與胥壁并
給大錢七十三文應許散完再行赴舖取錢胥壁

將帖分散生監呂榮張桐蕭琛郭國果四人蕭琛
張桐見帖因事屬荒唐當卽燒燬郭國果將帖送
至武生曹麟閣家內適曹麟閣外出其子曹四須
因不識字持至集上交生員程金策孫秉和管清
等共看亦以荒唐燒燬當經南樂清豐二縣并各
儒學訪聞查拏南樂獲犯張廷樞呂秉哲李鳴珂
任一璞董正而董正聞拏已將阻考傳帖銷毀清
豐縣先獲咎壁正在查詢生員呂榮卽將其所給
阻考說帖赴縣出首該縣會同儒學往拏王敬思
業已逃逸在其所開藥舖內起獲萬法歸宗書五

本及符片等件該二縣稟經大名府提訊令呂秉哲任一璞當堂默寫帖內語句均係禁阻童生投卷考試及勸衆資助訟費並無另有違悖不法字樣該府隨即稟經臣奏奉

諭旨提省交審飭緝嗣據署清苑縣知縣盛世綺將王敬思拏獲復行提應質要証呂榮等十名獲解來省隔別研質據各供晰前情並令王敬思當堂親錄口供核對筆迹與呂榮呈出阻考傳帖筆迹相符究詰其禁書符片等件來歷據供舊法歸宗書五本係數年前不記年分月日在於不識姓名人舊

貨攤上買得其符片等項係伊閒時翻看書上符樣奇異可與人醫治瘧疾病症是以照樣描畫存放藥舖因無人邀伊治瘧尚未用去等語誠恐該犯等另有習教不法重情及素與逆匪來往知情藏匿并尙有商同阻考斂錢構訟之人研究至再各矢口不移案無遁情查例載直省刁民約會抗糧聚衆聯謀斂錢構訟及因事罷考爲首斬決梟示從犯俱擬絞監候等語此案南樂縣武生張廷樞因該縣立法催追錢糧不能遂其包攬拖欠之計輒生怨忿於生員張景清勾串王鶴赴京呈控

之後囑令斂錢幫訟該犯慮恐控案審虛起意傳帖罷考挾制清豐縣生員王敬思挾因事被縣戒飭并催追錢糧過嚴之嫌聞風效尤亦起意散帖罷考希圖挾制均屬玩法惟阻考未成錢尙未斂且共謀僅止二三人究與聚衆業經罷考斂錢有間自應酌量懲辦以示區別張延樞王敬思二犯均應照刁民因事罷考爲首斬決例上量減一等發遣新疆等處充當苦差生員呂秉哲李鳴珂任一璞武生董正革生咎璧等五犯或同謀代寫阻考說帖幫同分散亦屬不法均應照從犯俱擬絞

監候例上量減一等杖一百流三千里至配所各折責安置生員呂榮收得傳帖卽赴縣出首尙無不合應與未允同行及並未共謀得帖卽行燒燬之生員于作霖等暨並未同謀罷考之王元美等均免其革究逸犯飭緝務獲另結至未能約束文武生員滋事之各該管儒學本應例議第係自行會同各該縣訪拏究辦並無迴護徇縱情事均應免其開叅南樂縣首先構訟肇衅之生員張景清已於王鶴案內審擬另結供招咨部謹

奏奉

硃批刑部議奏

嘉慶二十年五月二十五日

奏爲審擬具奏事竊照正定縣民康泳吉等呈控阜平縣丁役索詐一案前因該縣吳銓不將家丁書役移解委員審訊經臣叅奏解任勒令交出提省審辦欽奉

上諭阜平縣知縣吳銓不將家丁書役等移解審訊恐有授意訛詐情弊吳銓著卽革職交該督提拏應訊丁役人等秉公研審定擬具奏欽此臣欽遵

諭旨將吳銓革職行司提拏丁役人等來省飭發保定府

審訊因僧人如性所控衿民趙秉德等侵佔香火地畝盜賣入官餘地一節兩造各執一詞委員前往勘明稟覆據保定府知府阿霖督同候補知縣傅以納朱高樸審明定擬由司審解前來臣親提研鞫緣孫義籍隸天津縣係阜平縣知縣吳銓管門長隨康泳吉籍隸正定縣充當縣役於嘉慶十二年間因包攬差徭事犯擬徒限滿釋回僧人如性原籍山西五臺縣俗家劉姓自幼在阜平縣出家至京中法源寺受戒領有戒牒與如祥如崑三支分開如性住伏魔庵如祥住文殊庵如崑住金

龍寺阜平縣屬炭灰舖官山向歸金龍寺僧人開設煤窑每歲交該縣銀十二兩以爲養濟院及渡船水手等項公費縣署需用煤勛卽向該窑採買每駄八十勛發價大錢三十文又縣屬桃河口橋西庵等處沿河灘荒地畝聽民報墾陞科名爲營田該縣每年清查一次以杜隱佔如有丈出餘地卽令原墾地戶續報陞科納糧每畝除徵正課糧銀一分四釐五毫之外所有縣署需用食米料豈向係發交認種營田地戶均勻採買從前營田共一百二十四頃有零嘉慶六年全被水冲現在陸

續報墾陞科地僅止七十九頃有零該縣每歲採買米三十石料荳三十二石四斗每米一石發價銀四兩每荳一石發價銀二兩四錢共設田頭六名輪流經管前項官山煤窰及沿河營田均載在縣誌并有節次詳定章程可考炭灰鋪官山煤窰先係金龍寺僧人夥同民人王洛然開採嘉慶十七年間王洛然歇業經康泳吉至彼與該寺僧人如崑夥開十八年冬間吳銓票差皂役馬進才協同各地方赴各處山場窰洞稽查匪類在窰工匠人等飭令造冊送縣康泳吉等因離城遙遠不肯

造送該地方趙起富至縣以審戶康泳吉等並不遵照造冊等詞囑令工房經書韓有志寫稟投遞嗣如崑開具花名冊託馬進才投遞馬進才不允接收并以工房人等豈有不需紙筆費之言回覆如崑向康泳吉告知康泳吉詢其索錢若干如崑以約用錢一百千之言隨口回答時該縣吳銓接據地方趙起富稟報恐有來歷不明之人在彼藏匿差役往將煤窑封閉將康泳吉傳案遞籍如崑驅逐出寺如性聞知冀圖住持金龍寺并接開煤窑因與在城開藥舖之捐職千總趙鼎圖素好稔

知趙鼎圖與該縣管門家人孫義熟識隨託趙鼎圖轉懇孫義幹旋應許事成酬謝孫義銀二百五十兩并許趙鼎圖在煤窑分股趙鼎圖貪利應允往向孫義商議孫義因該縣封窑之時原有暫時封閉將來仍歸金龍寺僧人接開之語起意撞騙當卽應允并向趙鼎圖索要現銀趙鼎圖向如性告知如性令趙鼎圖墊辦趙鼎圖因無現銀開給孫義銀帖二紙暫收作抵二月初二日趙鼎圖措得銀二百五十兩送交孫義收受將銀帖撤回登明賬目并將銀帖夾於賬簿之內孫義旋以金龍

寺所開煤窰已封縣署需用煤觔無處採買養濟院等項公費亦無出處現有僧人如性與如崑係師兄弟可以接開煤窰之言向該縣吳銓告知吳銓不知賄託情弊卽將如性傳案發給告示准其住持金龍寺仍開炭灰鋪煤窰如性交過公費錢十一千縣署買用煤觔發價未領如性先因如祥之祖先壽與民人趙秉德劉盡善等公立合同報墾縣屬桃河口灘成熟陞科地一項四十五畝零如崑之師明寶報墾橋西庵灘成熟陞科地一項七十九畝零屢生覬覦與趙秉德劉盡善爭奪迨

住持金龍寺之後所有橋西庵灘地畝把持管業
意欲借此影射侵佔遂自行往懇孫義設法以後
免其查丈并免辦採買米荳孫義不允如性以孫
義先曾得伊銀兩今有事懇託毫無照應心疑趙
鼎圖從前未送往查詢趙鼎圖絡與賬看如性
見賬簿內夾有撤回銀帖二紙乘間取回希圖挾
制嗣因頭趙秉德以如性抗交米荳赴縣具控該
縣吳銓傳訊如性出言頂撞該縣將其掌責如性
即將所欠米荳如數交清領價詎康泳吉如性因
挾遞籍掌責之嫌康泳吉隨以該縣工房書吏韓

有志等屢索無厭朦混官長封閉煤洞如性亦以書役藉端訛詐矜棍霸佔香火地畝等情先後赴正定府控告康泳吉并將平日借給韓有志等錢文及如毘送交孫義渡船水手等公費錢文作爲贓款一并砌入呈內該府先後批委靈壽縣關提訊辦孫義於康泳吉未控之先因病回籍其餘人証亦間有患病外出未能齊集移解靈壽縣因關提孫義等未到稟府提訊該府任銜蕙恐該縣吳銓授意需索以及有意徇庇等弊詳揭經

臣

參奏

奉

旨革審孫義於二十年正月間病痊卽在原籍天津縣投
到遞至正定府同一干應訊人等提解來省飭委
保定府審訊因如性所控趙秉德劉盡善冒認強
佔寺地并盜賣入官餘地二十二畝與門丁孫義
工書韓有志分肥一節兩造各執一詞委員前往
查勘趙秉德等並無冒認強佔其賣與甄步廷等
地畝係公共有糧之產並非盜賣官地如性亦無
可狡辯稟府審擬由司解勘臣親提研鞫各供前
情不諱臣因僧人如性圖謀住持金龍寺接開煤
窰託趙鼎圖向該縣家人孫義說合給與銀二百

五十兩若非吳銓知情授意需索染指何以果令如性住持金龍寺接開煤窑迫如性赴府呈控批委靈壽縣審辦屢關不解亦難保無徇庇情事向該參員逐層研詰據吳銓供稱炭灰舖官山煤窑向係金龍寺開採該參員封窑之時原有將來仍令寺僧接開之語嗣據家人孫義聲言如性係金龍寺僧人如崑師兄弟是以准其住持金龍寺接開煤窑實不知有賄囑情弊如果該參員授意需索染指分肥家人孫義現已到案自必據實供出可以輕減罪名豈肯代爲承認自罹重罪至如性

赴府呈控批委靈壽縣審辦屢闕不解實因孫義
患病回籍該叅員屢次關提不到是以無從移解
有卷可查亦無徇庇情事等語覆加究詰僉供不
移案無遁飾查孫義充當縣署管門長隨因僧人
如性欲圖住持金龍寺接開官山煤窰囑託趙鼎
圖轉央該犯幹旋自願送給銀二百五十兩該犯
因吳銓本有仍令寺僧接開之語輒敢起意撞騙
瞞官收受殊屬玩法所得銀兩係如性自願送給
法無所枉計贓已在一百二十兩以上自應按律
問擬孫義合依詐欺官私取財計贓准竊盜論竊

盜賊一百二十兩以上絞監候准者罪止杖一百
流三千里律杖一百流三千里照律免刺係長隨
得贓應從重改發新疆給官兵爲奴以爲長隨玩
法者戒所得贓銀照追入官冊報僧人如性以財
行求除誣告趙秉德等侵佔地畝盜賣官地與家
人工書分肥及書役索詐各輕罪不議外應與說
事過錢之趙鼎圖均依與受財人同科例杖一百
流三千里至配所各折責四十板如性勒令還俗
再行發配康泳吉曾充正定縣役犯案擬徒限滿
釋回至阜平縣與僧人如崑夥開煤窰因不遵禁

約遞籍輒敢挾嫌妄控書役家人索借除所控家人孫義向伊借錢三十七千現在訊係如崑交給渡船水手等項公費事尙有因不議外其所控工書韓有志索借錢六千皂役馬進才索借錢五千如果屬實韓有志等應照蠹役詐贓六兩至十兩例問擬滿徒今訊明韓有志等借貸屬實固非憑空誣告惟將平日挪借之項作爲詐贓控告殊屬刁詐亦應酌擬示懲康泳吉應照誣告人徒罪加所誣罪三等杖一百流三千里律上量減一等杖一百徒三年至配所折責四十板工書韓有志皂

役馬進才借欠康泳吉錢文不還馬進才又於僧人如崑將所開煤窑工匠花名冊託其代投之時又以工房人等尙需紙筆費之言答覆實屬不合韓有志馬進才均照不應重律杖八十馬進才再加枷號兩箇月滿日折責三十板均革役所欠康泳吉錢文照追入官冊報趙秉德等訊無侵佔香火地畝盜賣官地情事應毋庸議無干省釋僧人如崑尙無過犯應令照舊住持金龍寺仍開炭灰鋪官山煤窑工匠人等隨時查察仍嚴禁胥役籍端滋擾縣署買用煤米料荳旣係相沿舊規且每

米一石發銀四兩每荳一石發銀二兩四錢並不
爲少其炭灰鋪煤窰歲取銀十二兩以作養濟院
并渡船水手公費載在縣誌均請飭令循舊辦理
毋許多買減價阜平縣知縣吳銓訊無授意需索
染指分肥亦無短價累民等弊卽康泳吉如性先
後在府具控批委靈壽縣審辦關提不解亦因孫
義在籍患病之故現在孫義係自赴天津縣投案
解審吳銓亦無徇庇情事惟如性免趙鼎圖說合
囑託該縣家人孫義代爲營謀住持金龍寺接開
煤窰孫義得受如性銀二百五十兩該縣吳銓漫

無覺察業已奉

旨革職應毋庸議並供招咨部謹

奏奉

硃批該部議奏

嘉慶二十年六月初十日

奏爲知縣驗報命案不實自行訪問檢舉現在開檢嚴
密先將大概情形恭摺具奏並將原驗之知縣請
旨解任以便徹底根究事竊據保定府知府阿霖稟稱據
清苑縣知縣王德葵面稟本年正月初十日據縣
屬高家莊地保許德洪稟報正月初八日民人楊

綬章之媳蘇氏與夫楊溥口角爭吵被楊溥毆傷
後自縊身死等情並據屍伯蘇邁宗遞呈攔驗該
員批飭不准隨帶領件作人等前往相驗屍身停
放炕上據楊綬章等供稱蘇氏在門框上自縊身
死又據蘇邁宗請免脫衣移驗該縣照例取結免
去中衣飭令件作李秀驗報蘇氏生年二十一歲
額顱右眉連右眼胞右顙頰各有拳傷一處咽喉
上縊痕一道斜入腦後八字不交十指吐血墜委
係自縊身死查起縊繩已被楊溥燒燬該員訊據
楊溥供稱因嫌蘇氏做飯遲慢村斥不服被其毆

傷後自縊身死地鄰屍親供俱相同該縣填圖通
報今聞蘇氏出殯墳前演戲數日頗有物議難保
無致死別情捏報自縊該員不敢迴護懇請委員
會審等情當經臣批司轉飭保定府等研審據屍
伯蘇邁宗供稱已死蘇氏係伊姪女嫁與楊溥爲
妻已經五載夫婦和睦惟翁姑楊綏章田氏因嫌
蘇氏不會做活兼無生育本不喜悅曾爲楊溥娶
魏氏爲妾魏氏亦與蘇氏不睦蘇氏本有身死不
明情事前因楊溥自認因夫妻口角被其毆傷後
自縊身死又經原媒劉敬解勸楊綏章情愿從厚

殞葬伊恐蘇氏屍身暴露是以呈請攔驗今情愿具結開檢等語訊之楊溥與父楊紱章母田氏妾魏氏均堅不供吐究出楊紱章家有年久工人王來意兒密擎到案察看神色慌張細加究詰據供伊在楊紱章家做工十年並無主僕名分與楊紱章之妻田氏素有姦情曾被蘇氏撞破楊紱章夫婦平日偏愛魏氏至蘇氏之死係伊燒炕起衅與魏氏爭吵被田氏魏氏毆勒致斃詰其如何商同謀勒致死則又匿不供吐訊問田氏不認姦情魏氏亦不認與蘇氏爭吵并勘得蘇氏炕上所鋪氈

席有刀砍痕迹二道訊係楊溥用刀剝勒繩時砍破又驗得氊席均有血迹一塊並在南屋後東廂房穀岡內起出藍布大棉襖一件衣領前後及左袖均有血污訊係蘇氏生前所穿稟經臬司盛泰詳委該府阿霖會同卽用同知俞英世定州知州張孔源督同遷安縣知縣盛世綺饒陽縣知縣陳晉候補知縣何繼志并原驗清苑縣知縣王德棻開檢臣因案關重大飭令臬司盛泰會同清河道韓文綺督同首府各員檢得蘇氏致命顙門骨浮出腦殼骨縫之外少許紅色內有血絲三點額顙

骨正中傷一處額顱左傷一處額顱右傷一處俱
紅色血暈不致命右眉稜骨傷一處右眼眶骨傷
一處俱微紅色血暈上齒十五箇脫落十箇下齒
十二箇脫落十箇俱黃白色兩手十指骨有血暈
淡紅色左肋骨第二條有紅暈餘皆無故委係生
前受傷後被勒身死并據臬司督同保定府等訊
取各供開單呈送臣詳細查閱據田氏供稱年四
十七歲嘉慶十六年間該氏之子楊溥娶蘇氏爲
妻該氏與夫楊綬章因蘇氏不會做活兼無生育
並不喜悅十八年間給伊子楊溥娶魏氏爲妾楊

溥常在煤廠生理不甚回家該氏與僱工王來意兒有姦曾被蘇氏撞破該氏恐蘇氏洩漏風聲囑王來意見送給蘇氏錢文首飾乘便卽向其調姦冀杜其口因被蘇氏詈罵而止本年正月初八日午後魏氏村斥蘇氏燒炕不善蘇氏爭吵魏氏向該氏告知該氏亦斥說蘇氏之非蘇氏頃其偏向出言頂撞一面上炕向窗戶坐下左腿盤曲右腿伸田氏氣忿上炕對面揪住蘇氏頭髮在蘇氏頭上拳毆數下口鼻流血時魏氏王來意見先後走至蘇氏看見益發生氣聲言你們大家嫌我礙眼

不如將我致死了罷該氏氣忿起意致死叫王來
意見擎了一根藤繩撩在該氏身邊那時該氏在
炕上左腿跪著右腿曲著因蘇氏身子往後一仰
該氏向前一撲右膝在蘇氏左肋上頂了一下蘇
氏口鼻又流出血來該氏將蘇氏頭髮鬆放擦住
蘇氏兩手拉起叫魏氏王來意兒一齊動手魏氏
在蘇氏背後用雙股藤繩勒住蘇氏咽喉並未結
扣往後拉勒王來意兒在魏氏身子右邊用兩手
按住蘇氏肩甲左膝抵住蘇氏後身力向前推不
多一會蘇氏被勒氣絕身死該氏順勢把蘇氏一

推側跌下炕，蔴繩壓在項頸之下。王來意兒當卽走避。隨後楊溥回家，看見魏氏捏脰，蘇氏已經弔死。楊溥不信，盤問該氏，告知因蘇氏不服教訓，被其打傷，勒死。楊溥嘆氣出院。時楊綏章回家，該氏亦照此告知。楊綏章向其抱怨。楊溥進屋，將蘇氏項頸下蔴繩抽出，放在炕上用菜刀剝斷，燒燬。致將蔴席砍破二道。該氏同楊溥將蘇氏屍身擡至炕上，洗淨臉上血迹，換好衣服。因恐蘇氏娘家不依，囑楊綏章設法。楊溥聲言只算蘇氏與他做飯遲慢，口角爭吵，被他打傷，後氣忿弔死，免得該氏

畏罪楊綏章卽邀蘇氏原媒劉敬到家聲言蘇氏
與楊溥口角致被毆傷蘇氏氣忿弔死恐蘇氏娘
家不依央劉敬解勸一面通知地保并向蘇氏母
家送信蘇氏之父蘇正宗患病未至經蘇氏之伯
蘇邁宗等前往查看因蘇氏頭臉有傷疑心不是
弔死吵鬧不依劉敬出向解勸伊子楊溥堅稱蘇
氏被其打傷後縊死央求歇手蘇邁宗等聲言必
須給蘇氏從厚殮葬并要在墳前唱戲三日楊綏
章都已應允因地保許德洪已進城報官叫蘇邁
宗遞呈攔驗未奉批准後蒙本縣相驗仵作如何

喝報弔死該氏並不知道研訊魏氏王來意見各
供大畧相同訊據楊溥供稱伊娶蘇氏爲妻已經
五載蘇氏人極正經與伊素相和睦伊父楊綏章
伊母田氏因蘇氏不會做活本不喜悅十八年間
伊父楊綏章等因蘇氏並不生育給娶魏氏作妾
魏氏與蘇氏不和時常吵嘴伊在煤廠生意不甚
回家本年正月初八日晚伊自外回歸見蘇氏側
卧炕下項頸下壓著一根藤繩並未結扣伊母田
氏與伊妾魏氏都在跟前魏氏向伊告稱蘇氏已
經弔死伊眇看蘇氏頭臉有傷不像弔死當向盤

問伊母口稱因蘇氏不服教訓被其打傷勒死伊當時卽疑魏氏加功因事由伊母起意只得隱忍當卽嘆氣出院却不料王來意見也有加功之事隨後伊父回歸伊母亦如此告訴伊父向伊母抱怨伊進屋將蘇氏項頸下麻繩抽出因無處出氣將麻繩放在炕上用菜刀剝斷用火燒燬致將炕上氈席砍破二道伊母與伊將蘇氏屍身擡放炕上洗淨臉上血迹換好衣服因恐蘇氏母家不依囑伊父設法伊見伊母著急心中不忍并疑實祇伊母所做之事口稱只算蘇氏與伊做飯遲慢口

角爭吵被伊打傷自縊身死免得伊母受罪餘供
與田氏無異訊據楊綏章供稱伊妻田氏如何與
僱工王來意見通姦並如何被子媳蘇氏撞破伊
並不知道伊與田氏因蘇氏不會做活兼無生育
本不喜悅子妾魏氏平日勤能原係偏愛魏氏與
蘇氏亦不和睦本年正月初八日晚伊自外回家
田氏向伊告知因蘇氏不服教訓被其打傷勒死
伊當向田氏抱怨田氏恐蘇氏娘家不依囑伊設
法伊子楊溥聲言只算蘇氏因給其做飯遲慢口
角爭吵被其打傷自縊身死免得田氏受罪經地

保報縣相驗作作亦報稱蘇氏係屬縊死伊當時
並不知魏氏王來意見在場加功餘供亦與田氏
相同又據劉敬供稱伊並不知蘇氏係被田氏等
勒死因楊綬章央懇是以向蘇氏之伯蘇邁宗解
勸並無賄囑情事臣查田氏因與僱工王來意見
通姦被伊媳蘇氏撞破本屬懷恨是日適因蘇氏
與子妾魏氏爭吵田氏斥說不服并向揭短忿恨
起意將蘇氏致死是蘇氏死於勒斃已屬確實惟
王來意見一聞田氏令其取繩不問何用當卽取
給揆此情形顯係預謀致斃斷非臨時起意而魏

氏係蘇氏夫妻名分攸關如果平日僅祇口角微嫌別無倚恃何敢用繩拉勒立斃其命且查魏氏年祇二十將正妻蘇氏勒斃之後家長楊溥回歸輒捏蘇氏弔死之言向告似此毫無畏懼明係有所倚恃至楊綬章既知魏氏與蘇氏不睦究竟有無加功當時自必查問據稱不知魏氏王來意兒在場加功殊屬狡飾又屍伯蘇邁宗等既知蘇氏身死不明何以不求申雪輒因劉敬解勸楊溥央懇遞爾遞呈攔驗迨該縣批飭不准前往驗訊仵作李秀竟將勒死之案捏報縊死屍親既甘心歇

手件作人等復朦混舞弊顯有賄囑別情又查原
驗蘇氏頭面僅祇拳傷三處今檢骨實有五處又
蘇氏左肋被田氏右膝一頂口鼻流血肋骨之傷
自應圓圓且必傷及數條今驗蘇氏左肋骨僅祇
第二條紅暈傷痕亦屬不符案關謀斃重情將來
問抵亦係三命現訊各供尙多不實不盡必須再
行嚴審方成信讞臣現在工所一面批飭臬司督
率保定府等照依臣指駁情節再行逐細研究并
委藩司會同督審務得確情按例妥擬招解至該
縣王德棻於驗報後雖將蘇氏被勒身死情形自

行訪聞檢舉惟當日伴作人等將勒死之案陽報
自縊顯有受賄朦混情弊將來審訊得實該縣有
應得之咎自應飭令離任以免吏役人等瞻顧本
官茹供不吐茲據該管府道由司揭報前來理合
奏明請

旨將清苑縣知縣王德棻解任容俟臣回省後親提犯証
徹底根究定擬具奏并飭查明王德棻經手倉庫
錢糧有無未清另行辦理謹

奏

嘉慶二十年六月十二日奉

旨此案驗報不實自行檢舉之清苑縣知縣王德棻著解任交那彥成親提案犯並屍親仵作人等嚴訊確情按律定擬具奏

嘉慶二十年八月二十八日

奏爲遵

旨研訊確情按律定擬具奏事竊照清苑縣民婦楊田氏因伊媳蘇氏揭破姦情主令工人王來意兒及伊子次妻魏氏幫同推勒致死捏報自縊一案先經臣據該縣知縣王德棻訪聞檢舉檄司遴員檢審將大概供情繕摺奏

聞請將原驗之知縣王德棻解任徹底根究并委藩司會同臬司督審等因奉

旨此案驗報不實自行檢舉之清苑縣知縣王德棻著解任交那彥成親提案犯屍親仵作人等研訊確情按律定擬具奏欽此節經臣嚴檄指駁詳鞫去後茲據藩司

錢臻臬司盛泰候補道程卓樑督同保定府知府阿霖等審擬解勘前來臣親提犯証研訊緣楊田

氏係該縣民人楊綏章之妻生子楊溥僱王來意兒在家做工與楊綏章夫婦以叔嬸相稱並無主僕名分王來意見幫做廚房與田氏素不避忌楊

溥前妻王氏於嘉慶十六年間病故經伊伯楊璽
章央劉敬媒合娶蘇正宗之女爲繼室田氏屢嫌
蘇氏不善女工楊溥與蘇氏素相和睦十八年三
月初間不記日期清晨田氏在厠出恭適王來意
兒前往撒土田氏將其喚住調戲成姦是月十五
日王來意見又與田氏在厠說笑被蘇氏撞見無
言各散田氏恐蘇氏洩露風聲十六日囑王來意
兒送給蘇氏首飾錢文乘便卽向調姦冀杜其口
因被蘇氏詈罵而止嗣田氏與王來意見未見蘇
氏聲張其醜仍復宣淫已非一次蘇氏歸母家將

田氏有不端之事向伊母劉氏伯母王氏告知劉氏等囑勿多言蘇氏卽常回母家居住是年十月內田氏以蘇氏不能生育爲詞慫恿其夫楊綬章央鄰村司馮氏爲楊溥另娶魏洛通之女魏氏爲次妻立有婚書與蘇氏姊妹相稱並無妻妾名分魏氏過門後與翁姑伊夫分住南屋東西兩間蘇氏住居北屋楊溥常在所開煤廠住宿魏氏因恃翁姑偏愛遂與蘇氏不睦時常口角惟楊溥仍與蘇氏相愛如故本年正月初四日田氏在住房套間內與王來意見坐炕正欲行姦被蘇氏進房撞

散初七日蘇氏抱柴燒炕魏氏令其代取蘇氏斥其不應指使致相爭吵初八日楊綏章因事進城楊溥在煤廠照料早飯後魏氏赴鄰村賀喜午後歸家見蘇氏在房燒炕火燄透出炕洞村斥其非蘇氏不服復向口角魏氏向田氏告知田氏走至北屋將蘇氏村斥蘇氏噴田氏偏聽魏氏播弄用言分辯口行上炕面窗而坐田氏怒其無禮亦卽上炕揪住蘇氏頭髮用拳連毆數下致傷額顱相連右眼胞並右頤頰等處以致打破口鼻流血魏氏與王來意兒聞鬧先後往看蘇氏瞥見魏氏卽

憤罵魏氏又見王來意見同來遂聲言你們嫌我礙眼不如將我致死大家好過安靜日子田氏聞言觸起與王來意見通姦曾被蘇氏撞破之恨既揭其短起意致死遂令王來意見取繩聲言欲將蘇氏勒斃王來意見因蘇氏之言與伊有干涉卽出取蘇繩擲於炕上維時田氏在蘇氏前面將其兩手攥住卽令魏氏與王來意見一齊幫同下手魏氏因與蘇氏平日有嫌遂聽從取繩站在蘇氏背後將繩套住蘇氏咽喉王來意見在魏氏右邊身旁用兩手揪住蘇氏兩肩膀往前儘力向推並

用左膝頂住蘇氏身後魏氏將繩用力往後拉緊
逾時蘇氏卽不能動彈王來意兒與魏氏均各鬆
手田氏順勢一推蘇氏身軀項帶蘇繩倒跌炕下
左手壓墊左肋處所手帶銀鐲以致墊傷左肋第
二條頭面貼地口內噴血立時殞命比楊溥回家
王來意兒聞聲避出楊溥走進北屋魏氏捏稱蘇
氏自縊楊溥見屍身面有血傷心疑查問田氏復
捏稱蘇氏不服管教係伊打傷勒死楊溥以其母
所爲之事求便生嘆含忿頓足出院迨楊綏章回
家田氏亦捏情向告楊綏章將妻抱怨田氏當同

楊溥仍赴北屋抽去蘇氏項上蘇繩將屍身擡放
炕上洗淨血迹梳頭換衣藏匿血襖楊溥憤鬱難
伸將勒繩用刀在炕剝斷卽於夜間燒燬田氏慮
蘇氏母家不依央夫設法楊溥見母著急心中不
忍信係伊母一人所作之事口稱只算蘇氏做飯
遲慢與伊爭吵被伊打傷自縊身死免致伊母受
累楊綬章卽從其言告知楊璽章往邀蘇氏原媒
劉敬至家央俟蘇氏母家有人出問懇其解勸劉
敬亦信蘇氏死由自縊遂爾應允田氏因將魏氏
送回母家躲避楊綬章遣人往告屍親並通知地

保次日屍父蘇正宗因病未至屍伯蘇邁宗屍母
劉氏等趕赴查看見蘇氏頭面有傷卽向吵鬧劉
敵從中勸處楊璽章等並向跪求蘇邁宗等因楊
浦待妻素好心生憐念遂不深究只索厚殮並欲
在墳前演戲數日以爲死者光耀楊綬章等均皆
應允因地保先已報官復央蘇邁宗等投遞攔驗
該縣王德葵未准仍詣相驗又經屍親籲懇免脫
衣服該縣以蘇邁宗等均已輸服具結仵作李秀
喝報蘇氏驗有繩痕十指血墜信爲自縊屬實填
格通詳楊綬章以差役人等下鄉辛苦隨措大錢

一百千浼劉敬分送承辦書差作爲紙筆飯食之資劉敬當卽轉交刑房王國士招房陳洛玉各大錢十五千件作李秀大錢二千五百文下剩大錢六十七千五百文俱交原差姚奎劉祥劉捷甄國璧四人分用該縣於通報後旋聞楊綬章在蘇氏墳前演戲數日頗有物議難保無致死別情該縣不敢迴護據實檢舉稟經臣檄司委員會審屍親蘇邁宗具結求檢屍夫楊溥等猶匿不吐實提至王來意兒起獲血衣審據楊田氏等供出大概情形當經飭令臬司督同委員等檢明蘇氏致命顛

門骨浮出腦殼骨縫之外少許紅色有血絲三點
兩耳根骨並無提痕委係拉勒致死並非自縊臣
核閱各供尙多疑竇因在工次

奏明添委藩司會同臬司督審並請將該縣王德榮解
任欽奉

諭旨飭審確情現據司道等遵照指駁審明擬解臣親加
提訊據各供認前情不諱誠恐該氏等預謀致墜
及另有同謀加功之人並恐魏氏亦係與王來意
兒姦好其刑件人等難保非事前賄囑得贓必不
止此數屍親蘇邁宗等亦恐有得賄私和情事復

向嚴詰均矢口不移案無遁飾查律載謀殺人造
意者斬監候從而加功者絞監候又例載尊長與
人通姦因媳礙眼商同致死滅口者俱照平人謀
殺之律分別首從擬以斬絞監候又律載檢驗不
實罪有增減者以失出入人罪論失於出者減五
等放而還獲者各聽減一等又事後受財若枉斷
者枉法論註云律不言出錢過錢人之罪問不
應重又枉法贓一兩至五兩杖八十一十五兩杖
一百無祿人減一等各等語此案楊田氏揪毆伊
媳蘇氏額顱等處衅固起於燒炕尙無致死之心

惟該氏先因蘇氏撞見伊與王來意見姦情卽屬
王來意見誘令同陷邪淫姑媳恩義早絕迨聞蘇
氏有嫌伊礙眼之語當場揭破姦私輒臨時起意
聲稱取繩勒死並令魏氏與王來意見幫同拉勒
立斃核其情節礙眼卽係因姦致死實欲滅口旣
與尋常故殺子婦罪應擬流者迥殊卽較之因媳
出言頂撞謀殺兇殘罪應發遣爲奴者更重該氏
恩斷義絕自應按例照平人謀殺爲首定擬楊田
氏除與王來意見通姦並無主僕名分僅止杖枷
輕罪不議外合依尊長與人通姦因媳礙眼商同

致死滅口者照平人謀殺例謀殺人造意者斬監
候律擬斬監候秋後處決王來意兒因與楊田氏
姦好聽從取繩幫同用力推頂實屬加功王來意
兒除與楊田氏通姦輕罪不議外合依謀殺人從
而加功者絞監候律擬絞監候秋後處決照例面
刺兇犯二字魏氏係楊溥有妻蘇氏再娶之妻與
蘇氏並無嫡妾名分該氏因挾夙嫌聽從田氏主
使套繩將蘇氏力拉致死應同凡論楊魏氏亦合
依謀殺人從而加功者絞監候律擬絞監候秋後
處決刑房王國士件作李秀相驗蘇氏屍身訊無

先受賄囑捏飾故縱等弊惟不細心查驗率將勒
痕誤作縊痕驗報不實均應按律定擬王國士李
秀除事後受財計贓僅止杖責輕罪不議外合依
檢驗不實罪有增減者失出減五等放而還獲又
減一等律於謀殺造意斬罪上共減六等均應杖
六十徒一年至配所各折責二十板招房陳洛王
事後得大錢十五千原差姚奎劉祥劉捷甄國壁
事後各得大錢十六千八百有零計贓在十五兩
上下均應照事後受財若枉斷者准枉法論枉法
贓十五兩杖一百無祿人減一等杖九十折責三

十五板均革役劉敬不察虛實目昧勸息訊無賄
囑情弊依私和人命罪止杖六十其過付差役錢
文實屬不合應從其重者論依不應重律杖八十
折責三十板楊綬章訊無縱姦等情第因伊媳蘇
氏不能生育又爲伊子楊溥主婚更娶魏氏爲次
妻殊屬違律楊綬章除知田氏等致死蘇氏不卽
據實稟究轉爲設法容隱罪止不應重杖輕罪不
議外合依有妻更娶父母主婚者獨坐主婚律與
魏氏之父魏洛通各杖九十折責三十五板楊綬
章於取供後在押病故應毋庸議司馮氏知情媒

合律應減主婚人一等應杖八十係婦人照例收贖追取贖銀同刑書王國士等所得錢文一併入官地保許德洪失於查察應照不應重律杖八十折責三十板楊溥因欲迴護其母是以自認毆妻自縊且不知王來意見等有幫同致死情事其有妻再娶亦係聽從父母之命應與聽勸未經深究之屍親蘇適宗等均免置議無干省釋蘇氏之死固非由於抑陷淫邪所致惟以鄉村少婦於撞破伊姑與王來意見通姦之後田氏欲杜其口囑令王來意見向其調姦竟能守正不阿志堅性潔致

遭慘斃洵屬節烈可嘉應附請

旌獎以維風化至解任清苑縣知縣王德榮將勒死之案
驗報自縊於通詳後自行檢舉現在案已平反得
實惟失察書役得贓例有處分相應奏明請
旨令其先行回任聽候部議全案供招咨部謹

奏奉

硃批刑部議奏

嘉慶二十年七月十八日

奏爲拏獲蘇幅等在赤峯縣地方偷挖鉛砂一案訊過
大概供情并守備任昌壽以被叅屈抑具呈訴辯

現在添提人証歸案審辦緣由恭摺具奏事竊查
前據提督徐錕訪聞赤峯縣音只嘎梁汎千總蔡
亮查拏偷挖鉛砂人犯致被拒傷稟經該管署赤
峯營都司事河屯協右營守備任昌壽驗明傷痕
匿不稟報該提督密派千總葉白發查訪確實并
獲寇仁義一名訊明前曾偷挖鉛砂被官責處現
在並無偷挖情愿隨同官兵查拏毆官人犯該提
督隨委四道溝梁千總谷天祥帶同寇仁義拏獲
蘇幅張學良劉二等三名到案訊供奏欽奉

諭旨將任昌壽蔡亮革職交臣審訊具奏欽此嗣經徐錕

續獲張學文等五犯同蘇幅張學良暨任昌壽蔡
亮先後解到其劉二在平泉州監病故當經飭委
保定府知府阿霖審訊據蘇幅等供認偷挖鉛砂
并打掃砂末賣錢餬口屬實並無拒捕毆官之事
稟經臣飭提正犯劉大起等來省質訊一面咨部
展限並據署赤峯縣知縣奇德詳稱前任赤峯縣
知縣強謙於嘉慶十九年七月二十日訪聞縣屬
地方有偷挖鉛砂奪犯傷官之事當卽劄飭捕盜
千總等官前往查拏旋准赤峯營都司轉據音只
嘎梁汎千總蔡亮申稱嘉慶十九年七月初六日

拏獲偷挖鉛砂人犯韓姓張姓二名被劉獨廬帶
領五十餘人將韓姓等奪回并將該千總暨馬兵
崔陞拒傷強謙會同該營都司驗得蔡亮右肱肘
鐵器傷一處崔陞左肋木器傷一處餘無別傷查
驗鉛礦有偷挖形迹當卽封禁并飭役查拏旋於
嘉慶十九年八月十五日據原役霍士雲等具稟
劉獨廬等逃跑無踪將李茂盛桑玉輝邵財蘭張
仁馬連韓財楊九林仇正張義林拏獲并在楊九
林仇正張義林名下各起出鉛砂一小口袋共計
重十五觔訊據楊九林等三名供認在途拾獲並

非偷挖李茂盛等六名供稱並無偷挖鉛砂與楊九林等亦無拒傷官兵之事強謙恐恃無質証有心狡展當將李茂盛等飭役管押俟緝獲劉獨盧等訊究未及獲犯旋即卸事該署縣到任後覆訊無異將李茂盛等解省飭委保定府審訊李茂盛等實無偷挖鉛砂拒傷官兵稟明省釋催提劉大起等審辦尚未獲解茲據臬司盛泰稟稱據已革守備任昌壽呈訴該叅員從前接據蔡亮稟報當委千總谷天祥勘驗屬實移會赤峯縣查拏案犯究辦并向八溝營叅將蘇章阿面稟實非匿不稟

報嗣提督徐錕到口外閱兵風聞赤峯縣地方有
寇仁義係屬賊頭差千總葉自發帶領拳棒手戴
姓二人并四道溝梁汎兵前往查拏寇仁義見官
兵衆多料難走脫隨將其妻用刀砍傷誣賴破官
兵殺害葉自發將寇仁義拏住畏懼人命回明該
提督令葉自發向寇仁義說合改供妻係自砍不
但不治其罪並當重用寇仁義應允而息該提督
旋即進口恐事敗露適聞蔡亮查拏偷挖鉛砂人
犯致被拒傷之事隨以該守備匿不稟報同蔡亮
一并叅革并將寇仁義作爲查拏偷挖鉛砂人犯

之眼目以圖掩飾等情稟請核辦前來臣查任昌壽接據蔡亮稟報因查拏人犯致被拒傷當委千總谷天祥勘驗并移縣緝究一節檢閱赤峯縣詳實在敘有任昌壽移文尙非捏飾其所呈曾向叅將蘇章阿面稟之處則係口說無憑况前經徐銀奏稱向蘇章阿面詢據云未見該署都司稟報是以未經具稟等語是任昌壽向蘇章阿面稟之語顯係子虛惟任昌壽既將此案拒捕傷官情節移會地方官究辦則迥非匿不稟報卽未經轉稟其咎尙輕提督徐銀遽將任昌壽以匿不稟報叅奏

革職本屬過重至千總蔡亮因查拏偷挖鉛砂人
犯致被拒傷業已稟明該管都司任昌壽委員勘
驗移縣緝究並無不合提督徐錕因於出口查閱
營伍之時未據蔡亮稟訴謂係私自譚息亦奏參
革職尤屬太過無怪任昌壽等心不輸服臣本擬
俟定案時按情酌擬具奏請

旨今既據任昌壽呈訴自應徹底根究務期水落石出以
折服任昌壽之心臣現在飭提葉自發並寇仁義
等來省飭司歸案審辦一面將任昌壽呈訴情節
是否屬實咨詢徐錕并勒限嚴緝正犯劉大起等

務獲訊擬具奏謹

奏奉

硃批秉公審辦具奏

嘉慶二十年十一月十一日

奏爲審訊具奏事竊查前據提督徐錕訪聞赤峯縣音
只嘎梁汎千總蔡亮查拏偷挖鉛砂人犯致被拒
傷稟經該管署都司事守備任昌壽驗明傷痕匿
不稟報等情叅奏欽奉

諭旨將任昌壽蔡亮革職交

臣

審訊具奏嗣據將任昌壽

等解省先後拏獲蘇幅等各犯檄司飭發首府審

訊復據任昌壽以被叅屈抑具呈訴辯

臣隨將訊

過大概供情奏請添提人証歸案審辦奉到

硃批秉公審辦具奏欽此遵卽咨詢提臣徐錕行提干總

葉自發及寇仁義等到省添委大名道屠之申候

補道程卓樑督同確審由司擬解前來

臣親加提

訊緣蘇幅籍隸武清縣前至赤峯縣尋工口外察

漢布拉克地方產有鉛礦久奉飭禁不許私挖蘇

幅與現獲之張學良張希文李六賈八郭有臣褚

五子時相烏合倫竊鉛砂約計各有數十觔賣錢

花用嘉慶十七年間有饒陽縣人寇仁義亦因偷

鉛被縣拏獲貢釋有案十九年七月初六日蘇幅
郭有臣各自前至鉛礦時已獲監故之劉心誠及
在逃之劉大起馮三劉獨盧高成雨馬義貴劉三
張子堯王二子李茂盛劉老七張德名馬三閻富
義等在彼私挖經千總蔡亮訪聞帶兵前往查拏
獲賊韓姓張姓二人劉大起劉心誠馮三劉獨盧
各執鞭桿高成雨馬義貴各執劈柴與劉三張子
堯王二子拒毆致傷蔡亮右肱肘及馬兵崔升左
肋并將韓姓等奪回蘇幅等見而畏懼與李茂盛
等逃迤並未幫同拒捕蔡亮回汛後稟知署赤峯

營都司河屯協守備任昌壽派委千總谷天祥前往驗傷屬實一面移會赤峯縣覆驗查辦經該前縣強謙飭差緝獲李茂盛等九名起獲鉛砂一小袋訊據李茂盛等供無倫挖鉛砂並拒傷官兵之事強謙恐係狡飾當將李茂盛等管押一面嚴拏劉獨盧等訊究而任昌壽因盜賊係地方事宜業已移會有司辦理未經稟提督亦未稟明叅將旋於八月間奉調赴省領餉公出至十一月回營時值提督徐錕至赤峯營閱兵訪聞鉛犯毆官之事派委千總葉自發緝拏葉自發探知寇仁義曾

經偷鉛犯案必知現在正賊隨帶兵戴文利等十
餘名前至寇仁義家門首寇仁義之妻正在持刀
切菜聞拏驚懼自將左手背誤劃受傷寇仁義出
向戴文利等查問往拏情由戴文利未及告知卽
將寇仁義擒獲稟送提督徐錕將寇仁義發交任
昌壽看守初十日閱兵事畢提訊寇仁義供稱並
無夥同劉大起等偷挖鉛砂拒捕毆官情事伊妻
因聞拏驚慌誤劃致傷並非圖賴具有甘結並稱
伊與偷挖鉛砂各犯間有認識情愿隨同官兵往
拏經該提督許其獎賞令作眼目隨同委員緝獲

蘇幅張學良劉心誠到案訊供將任昌壽蔡亮奏

叅欽奉

諭旨革職提省審辦旋據先後將任昌壽等解省飭委審訊當經提訊張學良蘇幅並續獲之張希文李大賈八郭有臣褚五子七人僉供偷挖鉛砂屬實其赤峯縣獲解之李茂盛等訊非偷挖拒捕之犯當卽省釋並究出劉大起等係毆官正犯稟請催提究辦嗣據任昌壽以被叅屈抑等情由臬司稟具奏一面行提干總葉自發等飭發首府並添委大名道屠之申候補道程卓樑督同審辦該道府

等提集研訊據供前情不諱恐蘇幅等實有幫同
拒捕並蔡亮等果有諱匿息結以及寇仁義等竟
有圖賴說合等事覆加究詰據蘇幅等堅供僅止
偷挖鉛砂並無幫同拒捕并令蔡亮辨認亦稱蘇
幅等均非毆官之犯惟已獲監斃之劉心誠實係
在場拒捕是蘇幅等並非毆官正犯已屬確鑿並
據蔡亮供稱被毆之後當卽稟報都司並未諱匿
不報亦無還稟和息任昌壽亦供係因盜賊事件
向祇移會地方官究辦並不稟報提鎮是以於蔡
亮稟報之時卽經移會赤峯縣查辦並無匿不轉

稟情事是蔡亮等並非諱匿不報還稟息結亦無
疑義又據寇仁義供稱伊妻係聞拏驚懼自行誤
割受傷並無藉傷圖賴葉自發亦無說合改供等
事以上各情節俱經逐層詰訊明確案無遁飾查
例載盜掘銅錫等砂每一觔折銀一分二釐五毫
計賊准竊盜論若非山洞捉獲持仗拒捕者不論
人數砂數多寡及初犯再犯俱發邊遠充軍若不
會拒捕者爲首枷號三箇月與爲從者俱照竊盜
罪發落等語此案在逃之劉大起等偷挖鉛礦輒
敢持械拒捕毆傷官兵殊屬藐法已獲之劉心誠

業據蘇幅等衆供明確實係在場拒捕正犯業已
在監病故應毋庸議蘇幅郭有臣與劉大起等偷
挖鉛砂俱係一時烏合並非結夥同行其劉大起
等拒捕各不相謀蘇幅等當時畏懼逃回並無幫
同拒捕情事自應仍照本例准竊盜論張學良張
希文李六賈八褚五子曾經偷挖鉛砂並未在場
拒捕亦應按例各以爲首計贓問擬第蘇幅等所
挖鉛砂據稱隨時賣錢餬口各約計一二十觔至
二三十觔不等計贓均在一兩以下蘇幅卽蘇五
郭有臣張學良張希文李六賈八褚五子應各依

盜掘銅錫等砂不曾拒捕爲首初犯枷號三箇月
照竊盜罪發落例竊盜贓一兩以下杖六十律應
各枷號三箇月滿日杖六十折責發落寇仁義先
經偷挖鉛礦於犯案責釋後並未再犯應免重科
其葉自發查拏時伊妻聞拏驚懼自行誤割致傷
並非藉傷圖賴干總葉自發探知寇仁義係屬舊
賊是以往拏訊究亦無說合改供情事俱免置議
寇仁義仍令作爲眼目嚴緝劉大起等務獲另結
蔡亮與馬兵崔升傷俱平復所有該處鉛礦並飭
嚴行禁止已革署都司事守備任昌壽先據蔡亮

稟報卽移會赤峯縣查辦現有縣卷可查係屬照
例辦理並非諱匿不報已革千總蔡亮因查拏偷
挖鉛砂賊犯致被拒傷卽轉稟該管都司查辦實
非諱息匿報所有任昌壽蔡亮原叅革職之處相
應

奏明請

旨開復惟查任昌壽於被叅之後既經提省查案審訊不
難昭雪得實乃輒具稟呈訴所述葉自發查拏寇
仁義一節現經訊明葉自發並無說合改供所呈
訴亦未盡實且該叅員身係職官並不靜候審訊

叟叟置辯此風亦不可長應聲明請

旨將任昌壽仍交部議處供招咨部謹

奏奉

硃批刑部議奏

那文毅公初任直隸總督奏議卷四十八